



جابتن حال إحوال اڪنام إسلام قولواو قينخ
JABATAN HAL EHWAL AGAMA ISLAM PULAU PINANG



TEKS KHUTBAH
RAMADAN:
JAMBATAN MENUJU
TAKWA



Tarikh Bacaan:
20 FEBRUARI 2026M / 2 RAMADAN 1447H

Dibiayai :



MAJLIS AGAMA ISLAM
NEGERI PULAU PINANG

Diterbitkan :



JABATAN HAL EHWAL AGAMA ISLAM
PULAU PINANG

***Jawatankuasa
Panel Semakan Teks Khutbah
Negeri Pulau Pinang***

- 1. Sahibus Samahah Prof. Madya Dato' Dr. Mohd Sukki bin Othman (Pengerusi)**
Mufti Kerajaan Negeri Pulau Pinang
- 2. YBhg. Ustaz Muhammad Fadzil bin Alias**
Pengarah, Yayasan Dakwah Islamiyah (YADIM) Pulau Pinang
- 3. YBhg. Ustaz Ahmad bin Hashim**
Mantan Penasihat, Pusat Pengajian Tahfiz Al-Quran (PPTQ)
Kolej Islam Teknologi Antarabangsa Pulau Pinang (KITAB)
- 4. YBhg. Ustaz Subki bin Mohamed**
Mantan Pensyarah Kanan, IPG Kampus Tuanku Bainun
- 5. YBrs. Dr. Mohamad Zaki bin Hj Abdul Halim**
Penolong Mufti, Bahagian Fatwa,
Jabatan Mufti Negeri Negeri Pulau Pinang
- 6. YBhg. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 7. YBhg. Ustaz Ahmad Shahimi bin Senawi**
Pendakwah
- 8. Ustaz Mohd Hanif bin Omar @ Wahab (Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Ramadan, Jambatan Menuju Taqwa

20 Februari 2026M/ 2 Ramadan 1447H

الْحَمْدُ لِلَّهِ الْقَائِلِ: يَا أَيُّهَا الَّذِينَ ءَامَنُوا كُتِبَ عَلَيْكُمُ الصِّيَامُ كَمَا كُتِبَ عَلَى الَّذِينَ مِن قَبْلِكُمْ لَعَلَّكُمْ تَتَّقُونَ ﴿١٨٧﴾ سورة البقرة
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ.
اللَّهُمَّ صَلِّ وَسَلِّمْ عَلَى نَبِيِّنَا مُحَمَّدٍ وَعَلَى آلِهِ وَصَحْبِهِ وَمَنْ دَعَا بِدَعْوَتِهِ إِلَى يَوْمِ
الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ أَوْصِيكُمْ وَنَفْسِي بِتَقْوَى اللَّهِ وَطَاعَتِهِ
لَعَلَّكُمْ تَفْلِحُونَ.

SIDANG JUMAAT YANG DIRAHMATI ALLAH,

Marilah kita bersama-sama meningkatkan ketakwaan kepada Allah dengan sebenar-benar takwa, iaitu dengan melaksanakan segala perintah segala perintah-Nya dan meninggalkan segala larangan-Nya. Mudah-mudahan dengan ketakwaan inilah, langkah kita di atas jambatan Ramadan dipandu, hati kita ditenangkan dan kehidupan kita diberkati di dunia serta diselamatkan di akhirat.

Khatib juga mengingatkan para Jemaah agar memberikan sepenuh perhatian kepada khutbah yang akan disampaikan dan tidak melakukan perkara yang sia-sia. Alangkah ruginya kita yang sudah berada dalam masjid ini, tetapi masih terleka dengan urusan dunia. Dengarlah baik-baik,

kerana pada hari ini khatib akan membicarakan khutbah yang bertajuk:
Ramadan, Jambatan Menuju Takwa.

SIDANG JUMAAT YANG DIRAHMATI ALLAH,

Alhamdulillah, segala puji bagi Allah **سُبْحَانَهُ وَتَعَالَى**, Tuhan yang Maha Pengasih Lagi Maha Penyayang, dengan limpah rahmat dan kasih sayang-Nya, masih memilih kita untuk dipertemukan dengan bulan Ramadan, bulan yang hadir sebagai jemputan Ilahi untuk menyentuh hati, membimbing jiwa dan mendidik kita menuju redanya.

Pada permulaan Ramadan ini, marilah kita bermuhasabah diri, untuk kita mengenal diri sendiri, menyedari kelemahan dan kekhilafan, serta merasakan betapa besarnya keperluan kita kepada rahmat dan keampunan Allah **سُبْحَانَهُ وَتَعَالَى**.

SIDANG JUMAAT SEKALIAN,

Allah **سُبْحَانَهُ وَتَعَالَى** berfirman dalam surah al-Baqarah ayat 183 maksudnya:

“Wahai orang-orang yang beriman! Diwajibkan ke atas kamu berpuasa sebagaimana diwajibkan ke atas orang-orang sebelum kamu, agar kamu bertakwa.”

Ayat ini menjelaskan bahawa puasa bukan sekadar menahan lapar dan dahaga, tetapi latihan membina ketakwaan sejak dari awal Ramadan.

Selain itu, Ramadan adalah anugerah masa yang terbesar. Masa yang dilapangkan dan diberkati oleh Allah, serta ditinggikan nilainya.

Setiap hari dalam Ramadan merupakan peluang keemasan untuk kita mengurus masa dengan lebih efisien, memperbaiki diri dan mendekatkan hati kepada Allah *سُبْحَانَهُ وَتَعَالَى*. Allah bersumpah dalam surah al-‘Asr:

وَالْعَصْرِ ۝١ إِنَّ الْإِنْسَانَ لَفِي خُسْرٍ ۝٢ إِلَّا الَّذِينَ ءَامَنُوا وَعَمِلُوا الصَّالِحَاتِ وَتَوَاصَوْا

بِالْحَقِّ وَتَوَاصَوْا بِالصَّبْرِ ۝٣

Maksudnya: *“Demi masa, sesungguhnya manusia itu dalam kerugian, kecuali orang-orang yang beriman dan beramal soleh dan mereka pula berpesan-pesan dengan kebenaran serta berpesan-pesan dengan sabar.”*

Ayat ini mengingatkan agar setiap detik dan masa dalam bulan Ramadan yang Allah hadiahkan ini tidak kita sia-siakan. Kerugian yang sebenar bukan kerana kekurangan harta, tetapi kerana kelalaian hati membiarkan waktu-waktu berkat berlalu tanpa penghayatan.

SIDANG JUMAAT YANG DIRAHMATI ALLAH,

Dalam dunia hari ini, kita hidup dalam suasana yang penuh tarikan dan kelekakan. Sebahagian kita asyik dengan gajet, permainan dalam talian dari siang hari sehinggalah ke larut malam dan ada juga dalam kalangan kita yang leka menatap pelbagai aplikasi di telefon bimbit sehingga tidak sedar masa yang berlalu. Allah berfirman dalam surah al-Isra’ ayat 36:

... إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا ۝٣٦

Maksudnya: *“Sesungguhnya pendengaran, penglihatan serta hati, semuanya akan dipertanggungjawabkan.”*

Justeru, Ramadan adalah masa untuk kita mengawal diri dan menghargai masa bagi menyediakan menuju akhirat. Berikanlah lebih masa untuk menatap ayat-ayat dalam kitab suci al-Quran al-Karim, ceramah-ceramah agama berbanding menatap aplikasi hiburan dan semua perkara-perkara yang melalaikan.

SIDANG JUMAAT YANG DIRAHMATI ALLAH,

Sebagai penutup khutbah ini, marilah kita membawa pulang lima tindakan utama untuk kita laksanakan sepanjang Ramadan ini agar ia benar-benar menjadi titian cinta yang membawa kita menuju redha Allah *سُبْحَانَهُ وَتَعَالَى*:

Pertama: Mulakan Ramadan dengan niat dan kesedaran yang betul. Jangan jadikan puasa sekadar rutin tahunan, tetapi hadirkan hati bahawa setiap ibadah adalah laihan membina ketakwaan.

Kedua: Isilah bulan Ramadan dengan amal yang mendekatkan diri kepada Allah dan kurangkan perkara yang melalaikan.

Ketiga: Jadikan al-Quran sebagai teman utama Ramadan. Luangkan masa dengan membaca, mendengar dan mentadabbur ayat-ayat suci al-Quran kerana Ramadan adalah bulan al-Quran.

Keempat: Didik jiwa dengan kesungguhan dalam ibadah dan taubat. Teruskan usaha walaupun kecil kerana Allah melihat keikhlasan dan kesungguhan hamba-Nya, bukan kesempurnaan semata-mata.

Sesungguhnya, orang yang beruntung ialah mereka yang memanfaatkan Ramadan sejak awal hingga ke akhirnya, dan orang yang rugi ialah mereka yang membiarkannya berlalu tanpa penghayatan.

Firman Allah *سُبْحَانَهُ وَتَعَالَى* dalam surah al-Baqarah ayat 21:

يَا أَيُّهَا النَّاسُ أَعْبُدُوا رَبَّكُمُ الَّذِي خَلَقَكُمْ وَالَّذِينَ مِنْ قَبْلِكُمْ لَعَلَّكُمْ تَتَّقُونَ ﴿٢١﴾

Maksudnya: “Wahai sekalian manusia beribadahlah kepada Tuhan kamu yang telah menciptakan kamu dan orang yang terdahulu daripada kamu, supaya kamu menjadi orang yang bertakwa”.

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ اللَّهُ مِنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ. أَقُولُ قَوْلِي هَذَا، وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ، الْأَحْيَاءِ مِنْهُمْ وَالْأَمْوَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



Khutbah Kedua

2026M/1447H

الْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ،
وَعَلَى آلِهِ وَأَصْحَابِهِ وَالتَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، لَهُ الْمُلْكُ وَلَهُ الْحَمْدُ يُحْيِي وَيُمِيتُ
وَهُوَ عَلَى كُلِّ شَيْءٍ قَدِيرٌ، وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى سِرَاجِ مُنِيرٍ.

صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاَعْمَلُوا بِطَاعَتِهِ
وَمَرْضَاتِهِ.

MUSLIMIN YANG DIRAHMATI ALLAH,

Mesyuarat Jawatankuasa Fatwa Negeri Pulau Pinang telah membincangkan berkenaan Amalan Solat Tarawih Empat Rakat Satu Salam. Mesyuarat telah memutuskan bahawa amalan tersebut adalah tidak sah mengikut Mazhab Syafie.

Selain itu, Kempen Respek Ramadan di bawah Seksyen 15, Enakmen Kesalahan Jenayah Syariah (Negeri Pulau Pinang) 1996 bertujuan memastikan tidak berlaku perbuatan berbuka puasa di khalayak ramai serta sebarang aktiviti yang bercanggah dengan kesucian Ramadan.

Mana-mana orang Islam yang didapati melakukan kesalahan tersebut boleh didenda tidak melebihi satu ribu ringgit atau dipenjarakan selama tempoh tidak melebihi enam bulan atau kedua-duanya sekali.

Sekiranya terdapat sebarang perlakuan mungkar, orang ramai digalakkan untuk membuat aduan dengan segera kepada Jawatankuasa Kariah atau Bahagian Penguatkuasaan JHEAIPP.

قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ اعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَأَنْصُرْ مَنْ نَصَرَ
الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ أَنْصُرْ إِخْوَانَنَا الْمُسْلِمِينَ وَالْمُجَاهِدِينَ وَالْمُسْتَضْعَفِينَ فِي فَلَسْطِينَ وَفِي كُلِّ
مَكَانٍ، وَفِي كُلِّ زَمَانٍ، بِرَحْمَتِكَ يَا أَرْحَمَ الرَّاحِمِينَ.

اللَّهُمَّ أَصْلِحْ أَيْمَتَنَا وَوُلَاةَ أُمُورِنَا، وَاجْعَلْ وِلَايَتَنَا فِيمَنْ خَافَكَ وَاتَّقَاكَ يَا رَبَّ
العَالَمِينَ. اللَّهُمَّ اجْعَلْ بَلَدَنَا مَالِيزِيَا خُصُوصًا وَوِلَايَةَ فُؤَلَاوِ فَيُنْعِجْ آمِنًا مُطْمَئِنًّا
سَخَاءَ رَحَاءٍ، دَارَ عَدْلِ وَإِيمَانٍ، وَأَمْنٍ وَأَمَانٍ، يَا ذَا الْفَضْلِ وَالْإِحْسَانِ.

اللَّهُمَّ وَفِّقْ قَادَتَنَا وَرُعَمَاءَنَا وَوُلَاةَ أُمُورِنَا لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ
اجْعَلْهُمْ هُدَاةً مُهْتَدِينَ صَالِحِينَ مُصْلِحِينَ وَأَشْمَلِ اللَّهُمَّ بِعِنَايَتِكَ وَتَوْفِيقِكَ عَلَى
صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan
Agong, Sultan Ibrahim dan Kebawah Duli Yang Maha Mulia Seri Paduka
Baginda Raja Permaisuri Agong, Raja Zarith Sofiah.

وَكَذَلِكَ صَاحِبِ الْفَخَامَةِ،

Tuan Yang Terutama Tun Dato' Seri Utama Haji Ramli bin Ngah Talib, Yang di-Pertua Negeri Pulau Pinang dan Yang Mulia Toh Puan Raja Dato' Seri Utama Noora Ashikin binti Raja Abdullah.

“Ya Allah! Dengan sifat-Mu yang Maha Pemurah dan Maha Penyayang; Jadikanlah kami dan keturunan kami orang yang istiqamah mendirikan solat secara berjemaah, mengeluarkan zakat melalui Zakat MAINPP dan melaksanakan waqaf melalui Wakaf MAINPP.

Rahmatilah jua para pembayar zakat dan pewakaf sekalian, serta berkatilah usaha Kerajaan Negeri melalui Majlis Agama Islam Negeri Pulau Pinang (MAINPP) dalam usaha mewujudkan keseimbangan sosio-ekonomi ummah di negeri yang tercinta ini.”

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايِ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ. فَادْكُرُوا اللَّهَ الْعَظِيمَ يَذْكُرْكُمْ، وَاشْكُرُوهُ عَلَىٰ نِعْمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ.



جابتن حال إحوال اكمام إسلام قولاه فینخ
JABATAN HAL EHWAL AGAMA ISLAM PULAU PINANG